

中國第一歷史檔案館藏

清代起居注冊

康熙朝

中華書局

康熙四十五年八月至十二月 康熙四十七年正月

清代起居注冊・康熙朝

第二七冊



中華書局

目 録

康熙四十五年八月		一三三
康熙四十五年九月		一四〇
康熙四十五年十月		一四五
康熙四十五年十一月		一五九
康熙四十五年十二月		一六四
康熙四十七年正月		一七三

康熙四十五年丙戌八月初一日丙戌

上駐蹕張三營

初二日丁亥

上駐蹕行宮是日

賜內大臣大學士護軍統領護軍叅領護軍校

護軍等魚

初三日戊子

上駐蹕五十間房酉時

上出行宮率

皇太子諸皇子及正白旗侍衛並善中人員射

初四日己丑

上駐蹕拜布哈谷

初五日庚寅

上駐蹕黃陂紅川兩界

初六日辛卯

上駐蹕黃陂谷

初七日壬辰

上駐蹕柯衣通果爾申時

上御行宮大學士馬齊學士恩丕黑壽以折本請

旨九卿為川陝總督博濟題陝西原報餘米內未

完三十一萬石零請頂捐議准行

上曰陝西捐納之事年已甚久今又將未完三十
一萬餘石奏請頂捐殆前次捐納之事有未清
款項欲藉此以補完或地方官欲借此圖利亦
未可定若在北京使之頂捐則事易完亦無枝
蔓著九卿詹事科道會同另議具奏吏部議原
襲二等阿思哈尼哈番今革職伊薩哈之職照
例不准承襲

上曰伊薩哈本身所得一拖沙喇哈番及三次恩
詔所加官職着俱除去其祖伊爾格德原授二
等阿達哈哈番可仍留與伊薩哈令其効力行
走戶部議御史王令樹條奏運丁買補河干所
欠米數應交看門章京稽查倉場侍郎親身
查驗米袋始令其車入倉等款

上曰着九卿詹事科道會議具奏但收米在邇有

此條奏必有情弊可以此意轉諭九卿又議兩
廣巡鹽御史栢度題原任糧道張天爵擅動
庫銀所買四千河鹽限四年帶售之處行該
撫等會同確議具奏到日再議及兩廣總督
郭世隆回奏鹽運使陸魯任內虧空錢糧請
著衆商限年完納事

上曰存此二事俟巡撫范時崇提督趙弘燦御史

華善察奏之時一併議奏酉時

上出行宮率

皇太子諸皇子及善中人員射縫令總兵官康

泰等射

初八日癸巳

上臨幸巴顏額爾追地方翁牛特諸台吉及衆蒙
古男婦彌望徧野列跪道左俱奏言臣等翁

牛特地方向來謀生甚難蒙

皇上差遣官員教以謀生之道禁止盜賊加以養

育又

賜之牛羊使之孳息臣等翁牛特蒙古俱已各
得其所矣今又下嫁

公主於吾王

聖駕親臨翁牛特蒙古光榮多矣合詞迎

駕歡呼動地

上至巴顏額爾追駐蹕於八公主府是日

賜諸大臣侍衛宴

初九日甲午

上駐蹕行宮是日翁牛特多羅郡王額駙臧津獻

鞍馬九匹駱駝九頭空馬九匹牛五十頭羊

二百隻向侍衛喇什奏曰蒙

父皇寵臨臣宅乞將臣所獻馬駝牛羊頒賜扈從
人員奉

旨給直郡王七貝勒皇十三子平郡王海山貝勒
皇子保壽直郡王子五貝勒子等馬各一匹
餘不受翁牛特旗下都統土卜扎卜等來

貢

初十日乙未是日正紅旗游牧地方駐劄巴

尔虎格隆扎木三哈喇沁扎克薩他布囊格勒尔来

貢

上駐蹕希卜楚口

十一日丙申

上駐蹕努呼代口

十二日丁酉

上駐蹕哈必爾嶺口

十三日戊戌

上駐蹕行宮是日科爾沁和碩卓力克圖親王巴
特瑪科爾沁多羅賓畚郡王達達布土默特
多羅達爾漢貝勒馬尼烏朱穆秦輔國公滾
布扎卜來

貢

十四日己亥

上駐蹕柳林口

十五日庚子

上駐蹕行宮是日土默特多羅貝勒馬尼旗下附

居喀尔喀多羅貝勒老臧喀尔喀一品台

吉碩勒尔德來

貢

十六日辛丑

上駐蹕富溝口是日

賜大臣官員侍衛職事人員鹿麇

十七日壬寅

上駐蹕行宮

十八日癸卯

上駐蹕扎克丹俄佛羅是日

賜大臣官員侍衛職事人員鹿麇